



Broj: 14-11-4-6881-10/23
Zenica, 11.07.2023. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22) i Zapisnika o pregledu i ocjeni ponuda, broj: 14-11-4-6881-9/23 od 10.07.2023. godine, u postupku javne nabavke „Nabavka putničkih motornih vozila“, direktor Službe za zajedničke poslove Zeničko-dobojskog kantona, d o n o s i:

O D L U K U **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 14-11-4-6881-9/23 od 10.07.2023. godine i Ugovor o nabavci motornih vozila dodjeljuje se ponuđaču BRIJEST d.o.o. Gračanica, kao najpovoljnijem ponuđaču, sa cijenom od 273.579,48 KM bez PDV-a.
2. Ponuđač kojem se dodjeljuje ugovor dužan je dostaviti dokumente iz člana 45., 46. i 47. Zakona o javnim nabavkama, navedene u tački 3.1., 3.2. i 3.3. Tenderske dokumentacije, u roku od 5 (pet) dana od dana prijema Odluke o izboru najpovoljnijeg ponuđača.
3. Po pravosnažnosti ove odluke, a u skladu sa članom 98. stav (1) Zakona o javnim nabavkama, izabranom ponuđaču iz tačke 1. ove odluke dostavit će se prijedlog ugovora o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama. Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.
5. Za realizaciju ove odluke zadužuje se Služba za zajedničke poslove.

O b r a z l o ž e n j e

Postupak javne nabavke „Nabavka putničkih motornih vozila“ pokrenut je donošenjem Odluke o pokretanju postupka broj: 14-11-4-6881/23 od 05.05.2023. godine.

Javna nabavka je provedena putem otvorenog postupka sa predviđenim provođenjem postupka e-aukcije putem Informacionog sistema e-Nabavke. Procijenjena vrijednost nabavke je 273.585,00 KM bez PDV-a. Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a.

Dana 22.05.2023. godine, objavljena je tenderska dokumentacija na portalu e-Nabavke istovremeno sa objavom Obavještenja o nabavci, pod brojem: 771-1-1-7-3-17/23.

Dana 17.05.2023. godine, na protokolu Službe zaprimljena je žalba ponuđača „FCT“ d.o.o. Banja Luka na tendersku dokumentaciju.

Postupajući po žalbi, razmotreni su svi navodi iz iste, izvršen uvid u kompletnu dokumentaciju, te je izvršena analiza svakog dokaza pojedinačno i u njihovoj međusobnoj vezi, a u odnosu na navode i propisani zakonski postupak, te je utvrđeno da žalba nije osnovana te je ista sa izjašnjenjem o navodima žalbe i potpunom dokumentacijom u vezi postupka, proslijeđena Uredu za razmatranje žalbi.

Dana 07.06.2023. godine Ured za razmatranje žalbi je donio Zaključak, broj: JN2-03-07-1-1246-6/23 kojim se odbacuje žalba ponuđača „FCT“ d.o.o. Banja Luka kao neuredna.

Dana 20.06.2023. godine ugovorni organ je objavio Ispravku za obavještenje o nabavci, broj: 771-1-1-3-8-19/23.

Do 26.05.2023. godine, sa "Portala javnih nabavki BiH" www.ejn.gov.ba, tendersku dokumentaciju je preuzelo 9 ponuđača (Izvještaj o preuzimanju tenderske dokumentacije od strane ponuđača preuzet sa Portala javnih nabavki BiH).

Ponudu je blagovremeno dostavio ponuđač:

	Broj protokola	Naziv/ime ponuđača	Datum i sat prijema	
1.	14-11-4-6881-4/23	BRIJEST d.o.o. Gračanica	07.07.2023.	08 h 10'

Komisija za provođenje postupka javne nabavke izvršila je detaljnu analizu blagovremeno pristigle ponude, te utvrdila da je ponuda prihvatljiva prema obliku, sadržaju i potpunosti, te da je u okviru procijenjene vrijednosti javne nabavke.

S obzirom da je za ovaj postupak bila predviđena e-aukcija, a da je primljena samo jedna prihvatljiva ponuda, shodno članu 3. stav (3) Pravilnika o uslovima i načinu korištenja e-aukcije („Službeni glasnik Bosne i Hercegovine“, broj: 66/16), e-aukcija se nije mogla zakazati, te će predmetni postupak biti okončan u skladu sa članom 69. Zakona o javnim nabavkama („Službeni glasnik Bosne i Hercegovine“, broj: 39/14).

Na osnovu svega gore navedenog, Komisija je dala preporuku za donošenje odluke o izboru ponuđača BRIJEST d.o.o. Gračanica, kao najpovoljnijeg ponuđača u postupku javne nabavke „Nabavka putničkih motornih vozila“.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 1 x ponuđač
1 x tenderska dokumentacija

Zg **DIREKTOR -g**
Tijana Galic
Miralem Redić

